



前藏曰詔後藏曰藏明時稱詔為烏斯藏又曰唐古忒後
遂稱詔為前藏稱藏為後藏又稱藏為衛則或因明時設
衛之故也

藏舊有城設九門康熙六十一年定西將軍公策旺諾爾
布毀之築石堤自東北即路至台拉筆洞止長三十里以
遏水勢今稱為神提歲正月各寺僧念大經畢人增一石
于堤上番僧例不應役惟此一石乃設也

前藏城堡六十八番民戶一十二萬一千四百三十八後
藏城堡十三番民戶六千七百五十二貢賦按地而收前
藏歸于達賴後藏歸于班禪嗣康吉昂頗羅奈相沿據為
自有朱爾墨特被戮遂命仍歸達賴班禪

噶隆
噶布倫

主事之大官曰噶隆體如內地之相向設四員分司夷務而受成于達賴頗羅奈號令自擅已廢舊制今因朱爾墨特之變仍舊設噶隆四名曰班第達曰徹清旺扎爾曰色耀特塞布騰三人皆前噶隆見罪于朱爾墨特者復其職又一曰布隆替以目瞽被廢遂增喇嘛一人班第達本封公徹清二人曾封扎薩克頭等台吉其喇嘛亦給扎薩克銜各噶隆皆于公所議事定議乃請達賴及駐藏大人而後行噶隆之下分管地土者曰磔巴宣號令者曰浪子蝦差遣者曰卓義

夷賦隨地所產或以糧食折征或以金銀氍毹馬銅鐵顏料皮張或納羊牛酥油馬奶酒菓品

代奔
代奔

統轄兵馬之大官名代奔次曰甲奔三等曰定奔再下曰朱奔番兵鐵甲裹棉頂盔繫弓矢負烏鎗持長矛馬前步後盔上標孔雀錦鷄毛羽旗用五色

阿里克馬兵五千名扎什倫馬兵二千名拉薩馬兵三千名裸堪^馬兵一千名党木拉處浪木錯拉藏等處地方及黑帳房共馬兵五千名阿里克及前後藏共步兵五萬名隨侍達賴之官有卓呢爾 商卓特巴 曾本 隨本 各

名目其噶隆止設卓義二員餘官不得多設

凡設險守隘之官署曰縱其無險者曰噶

原設衛地代奔一員後藏代奔三員今于衛地增設一員噶隆代奔分司文武任重望尊皆頒給 勅書如不稱職

許達賴會同

欽差叅革一應差徭皆聽達賴主持如遇公事起烏拉其符
檄皆由噶隆請達賴印發所貯倉庫物件俱以達賴印文
封識噶隆司其啟閉

阿里哈喇烏蘓接壤準夷由達賴遴員前往奏請號紙以
昭信守

蒙古部落于草地游牧為生其頭目向由郡王加給或稱
宰桑或稱台吉今將現頭目八人授為固山大次為佐領
次為驍騎校各八人遞相管束每佐領派人十名共八十
名駐藏衛聽差食用取給于公其調撥皆由 欽差商于
達賴發檄以上五條皆乾隆十六年定制

魚樹一作玉樹

哈喇烏蘓西連青海與準噶爾接壤其旁有魚樹納克樹
兩番族雍正十年西寧辦理夷情大人達奏請川陝會同
委員分界魚樹三十八族歸西寧歲納貢馬銀六百六十
九兩納克樹三十九族隸西藏歲納貢馬銀三百九十一
兩一錢二分八月後交糧務充餉其族設立千戶百戶不
足百人者設百長十人設十長計三十九族共四千八百
八十九戶自藍墩以外惟此部不屬達賴

藏內通準噶爾有三口一曰藏納香一曰阿格了一曰入
多相距約四十餘日每卡防兵俱四五千不等春末到汛
秋末而回

夷律傳有三冊一冊十二條一冊十三條一冊十六條所

載刑法甚酷大約犯聞毆殺人者棄屍于水罰犯者銀錢
充公仍以銀物牛羊給死者家為念經費全納則釋不能
納則沉犯者于水籍其子女犯搶劫殺人者不分首從皆
擬死罪首犯縛于柱叢射斃命三日後梟示次者或送貉
猷國令野人食之或送曲水蝎洞令蝎食之犯竊盜者拘
其家屬計所竊之數加倍追之追迄則剗其鼻剗其目斷
其手錄囚先以皮鞭其背復置之水如是數次然後問之
未服乃以熱油滴其胸火力刺其肉不服乃坐之水蒙其
面分其髮以繩牽之冷水澆其頂不服則油簽刺其十指
又不服乃釋如受刑而斃則棄于水

右政教

氣候寒暑不一高即寒平即溫爐無暑裡塘夏亦寒已塘
至昌都皆有暑藏詔則冬不寒夏不暑

閏以朔虛氣盈而定乃氣化變易而又不易者非神聖不
能測也西藏推天文紀歲時約同中土有武弁云雍正壬
子年閏五月其地乃閏正月乙卯年閏四月其地于甲寅
年閏七月亦有閏日然有閏初一即無初二而繼以初三
有閏十五即無十六而繼以十七更有閏至兩三日者此
則不虛三十日之成數特推測此日為不吉而避其名
紀年不知干支以十二支辰所肖者為序問其歲輒以肖
神對紀月亦用一二三四之數特呼正月為端郭即正字
所譯也紀日五行相序與憲書用納音同

日月有食預推不爽凡此天文推測云即唐公主時所
流傳者

欽定作歲

唐古忒人命名皆擇經典善字與蒙古同

番民種族目地殊名自拉撒東至祿馬領南至春結土民
名曰百巴亦有世居黑帳房者曰洛巴自工布江達至寧
多擢拉山阿雜山曰工布自拉里東至昌都曰康巴自拉
撒西至干巴白爾極曰衛巴自羊卓白地至扎隆布三桑
曰巴藏自拉撒西北由揚八景桑駝洛海至吉扎布生根
惡角曰昂獨

歲正月罷市三日各以茶酒肉菓酬送親朋元日布達拉
開筵宴漢番官吏噶隆主之初九日大詔寺番僧四萬餘

人念經迎達賴下寺開講其達賴不到之寺呼圖克充之十

五日夕大詔放燈建木為臺上以五色綵幣畫人物龍蛇
鳥獸諸形下設層板安大銅燈盞數萬徹夜而止以天色

陰晴燈焰明暗占歲之吉凶二十一日番達三千人馬俱

甲冑跳舞放鎗統詔三匝至瑠璃橋南放大砲迎神逐鬼
砲以銅鑄最大者刊威剽除叛逆五字云唐時鑄也二十

三十日念經畢噶隆大喇嘛于布達拉庫中以茶幣散給
諸僧以十四^歲以上小童乘快馬自色拉寺東由布達拉轉

至工布爭馳三十里又選善走者自布達拉馳至拉撒約
十里俱以到之先後定賞之重輕轉詔三匝而散以為奪
彩之戲二十七日迎飛來杆至拉撒轉詔謂之迎春二月

三十日布達拉懸掛大佛大詔寺取庫中諸珍玩器四人執其一並裝諸天神鬼各番部人獸諸形轉詔三匝至大佛前舞拜復遍于噶隆磔巴各家歌舞半月而散謂之春戲六月三十日別蚌寺色拉寺懸大佛亦如布達拉故事垂仲下神番男女皆新粧艷服或歌或舞為翻竿之戲七月十五日放磔巴一員司農務他磔巴陪之導旂旆佩弓矢遍郊外視田禾以慶年豐然後土民收穫七月十三日設涼蓬帳房于河堤遍延親友男女浴于河至八月初五而止云可以療疾十月十五日唐公主誕辰男婦盛服以朝各飲酒賀二十五日第三輩達賴涅槃之夕各于憲楞牆頂點燈光明如畫亦以燈焰占吉云十二月二十九日

木鹿寺番僧裝佛神鬼怪諸形至大詔放鎗吶喊為逐鬼之戲此為藏之節序也

男女衣冠俱以璿璣毛褐富貴者乃衣錦繡人各蓄髮貴者梳擲束于頂賤者垂之貝勒之冠冬元狐夏綵幣式如內地秋帽高六七寸平其頂冠簷寬二寸左右有入口緣以獺皮罩以赤緇左耳隆明珠常服之衣大領平袖下無岔名曰楮巴冬則裏以狐貉之皮緣以豹遇朝賀衣蟒及披肩無補掛束錦帶長六尺圍兩轉傍綴小刀荷包而必帶碗包靴以香牛之皮名曰巷頭乘馬踢胸以二噶隆磔巴服制約與貝勒同惟平日不束髮冠以栽絨平頂絨馬寸餘頂無緯遇朝賀挽髮作兩髻冠無翅白紗帽云唐制也

噶隆衣蟒外罩以褐左耳墜金鑲綠松石作鳥獸以口爪
銜物之形名曰瓊瑤右耳墜珊瑚大如李兩顆相綴鑲以
金名曰工納磔巴衣紅綠織金短衣袖以錦緣以賴皮下
服黑褐百摺裙名曰郭在衣常之外披紅褐偏單佩順刀
腰刀各一紅袋一履俱以巷頭其巡查之役曰郭佳哇者
逢令節亦服短錦衣帶腰刀緞袋而不披偏單頭不束髮
戴白布圈持木棍以行街市小民俱服楮巴束皮帶佩刀
至于指箍骨班手持素珠腰懸木碗則無貴賤一也婦女
以茶調紅糖為脂粉塗其頰女未嫁結髮為辮綴以明珠
寶石若既聘則以夫家所納之鑲金綠松石戴于頂既嫁
則自頂分髮為二礎之如繩交于後而復以繩束之冠以

紅綠裁絨尖其頂富者為珍珠帽以木作胎如涼帽紅漆
其裡綴珠于外滿而止以金鑲綠松石作頂服窄袖衣長
僅至腰名曰文肘裙百摺以十字花黑褐為之名曰東坡
前加圍裙以紅褐為之緣以錦名曰班帶背披紅裁毛小
毯偏單名曰傘手其前紉石玉環兩頭有鈎束偏單于胸
前名的拉以銀鑲珊瑚作戒指名曰惹姑左手佩銀釧曰
則籠右手佩碑磔圈寬約二寸曰銅箍銅箍不論貧富自
幼即佩至斃而後已云佩之則死後不迷路也耳墜綠松
石鑲以金銀長寸餘後以小鈎懸于耳上名曰額歌聯明
珠珊瑚上以銀鈎繫于髮名曰吞達下亦聯至六七寸垂
于兩肩名曰重雜項掛素珠一二串其珠以珊瑚蜜蠟青

晶碑磔貧者用木及磁腰佩小銀盒名曰阿務內藏護身佛及子母藥履以布靴或皮靴無襪老婦則以金鑲綠松石最大者懸于額名曰白玉凡戴白玉親朋羣聚宴賀蒙古婦女不塗糖不披單不戴首飾冬夏俱頂狐帽分髮為兩辮以青緞為辮囊修廣如其辮上以銀鈎鈎之垂于膊耳墜松石足履香牛皮靴服長袍重以掛其腰作疊摺如朝服式

蠻酒以青稞蒸熟盛于罈飲時取置于餅泡以熱水挿細竹簽于內羣坐吸之水盡復注至味盡而止藏內名曰倉他處名曰蠻冲亦有以水淋出而飲者名曰淋酒譯言者曰通事譯言者曰譯字內地官員出口俱帶通譯

二人以行

譯字者腰帶小鉄筩一內盛小竹簽皮盒一內貯墨水銅餅遇作字膝地坐以紙卷摺成條左手按紙于膝右手持竹簽濡墨自左入右橫書若畫工則以猫毛筆為

藏內以竹為紙堅白而薄可供几案昌都以東則甚粗硬特質甚堅可包文書其他經必自內地購往

阿木氣一作尼木氣

患病亦有醫藥名其醫曰阿木氣亦胗脉息不知何所宗也藥不事炮製而有丸散然不輕用大約病輕則以油搽體暴烈日中無日則覆以絨單燒栢葉烟薰之病重而後胗脉服藥或刺其血要必延喇嘛誦經或延朱巴祈禱朱巴即內地黃冠也或令男女齊唱佛歌以禳之

膊應作膊

有卦卜或以紙畫八卦或以青裸排八卦也有索卜以五色各毛為索抽繹以占也有珠卜數以數珠也有畫卜于地畫形也有羊卜取羊膊骨如灼龜而占也羊膊必取宰者自斃而不靈數多奇異要視其術之深淺

余在金川籌運時一番目為余灼羊膊問諸事無不巧中生平問卜無踰此番目矣

栗應作栗

喇嘛早晚手持一物吹如威爾栗問之則遺骸股骨也漢人之股中虛番人之股中實虛則聲清故漢骸多被喇嘛刨

掘

婚姻富貴者論門戶擇女婿通媒妁納采問名先以哈達既允回以哈達乃令媒氏擇日以綠松石飾于女首名曰

色賈仍以裝承金銀茶羊為聘禮未允則不接哈達迎娶各先宴會數日昏期設涼棚于門外高設坐墊撒麥為花坐女于上父母與親朋列坐于傍陳肴核茶酒于小几食之親朋各以裸麥擲女身乃共扶女至壻家入門不拜與壻並坐飲茶酒親朋爭以哈達作賀長者掛其項同輩納之于懷已列坐飲茶酒而散次日壻女之父母盛服掛哈達于項擁新壻女遊于市過親友門不入以茶酒出飲之飲畢壻女携手踏足而歌她是三日此有官職者乃然民間率多苟合男弱女強差徭派于婦人一家數兄弟共娶一妻所生子女順年次分為子婦能與三四兄弟同居者羣羨其善于治家婦紅以經營商賈為最若紡毛線織毳子

揆應作揆

勤耕種當烏拉人皆笑之不以淫亂為恥父母不禁其夫亦不以為異妻有外交名曰英獨即明告其夫也夫婦悅則相守不悅則離按史載噶噠國兄弟共一妻夫無兄弟者妻戴一角帽若有兄弟者依其多寡之數更加角焉生兒不洗母以舌舐之三日週身塗以酥暴烈中日已調糶粬作湯飲之多不與乳最重生女

生男數人留其一娶妻傳嗣謂之血人餘者度為僧女多者度為尼

人死以繩繫之維為圓塊膝口相連兩手交挿于股以平日所衣舊服裹之盛于袋懸于梁男女羅而哭送酥油于大小詔寺中燃燈稱其家之貧富盡出死者所有送其半于

達賴留其半以熬茶熬茶者延僧誦經飲之以茶猶內地所云齋僧也數日背送剛人場司剛者縛屍于柱割其肉復杵其骨令碎和以糶粬飼犬餽司剛者銀否則不剛而棄之水以為不幸親友吊唁俱先以哈達男女不服華衣去耳環素珠不梳浴者百日富者時為熬茶追薦暮而止喇嘛死則以喂鷹有德行者火化之瘞骨于塔常節西番記云康國城外別有二百餘戶專諸喪事別築一院院內養狗人死即取尸置此院內令狗食之肉盡收骸骨埋殯風俗故相沿也

藏狗喂人肉久喜噬人天墮不可獨行卒遇狗羣噬立盡謁見尊貴人卸其冠垂于手吐舌曲腰就坐路遇側立卸

帽垂手謁呼圖兔貴賤皆去帽膜拜三曲腰垂手至法座呼圖兔手抹其頭謂之討捨手

良辰令節貝勒設宴或于家或于柳林上設重裯前設短几二置麵菓長尺許牛羊生熟之肉為一大盤杏棗核桃葡萄冰糖焦糖狗菓各一小盤左右設長座列菓食如上之半噶隆磔巴浪子沙卓義順序而坐人設筵一其侍從各于其席後坐人給菓食盤一先飲茶次土巴湯次抓飯次酒土巴湯者以米和肉為粥也抓飯者纏頭胡賈所作蒸米作飯和以沙糖棗杏之菓牛羊之膾盛于盤以手抓食之歌女十人珠冠繡衣舞童十人白布冠五色衣束錦手斧鉞足繫鈴司鼓十人粒如舞童舞者之童步中鼓之節

食畢各携所餘以去達賴開筵宴客規制亦同而几席肴核視內地官職之尊卑為差貴者羅列數案宴畢使人送所餘者以歸

番民宴會男女襍沓歌唱竟日將散則團聚携手踏足歌至門外而散盃必自携食畢以舌舐之令淨不復洗也大市以銀錢小市以哈達茶油互易賈貨有自內地往者珠寶錦繡也自布魯克巴天竺白勒布等地往者卡契之錦緞紬布及牛黃阿魏物也

宮室皆壘石為砌自二三層至六七層形如浮圖人處其上貨藏其中畜溷于下蒙古部落以氊為幄名蒙古包霍耳部落居黑帳房

裡塘以外皆南隣滇省麗江鶴慶兩府彼地民夷每以茶烟布帛銅器赴巴塘之擦練安天柱大柱大戶松橋麥頂各寨及西藏所屬之擦瓦崗左工波烏曲棕土布喳峪扎玉滾藍墩卡江乍了黃蓮庄各處貿易錘錘襪酥油黃蓮牛羊皮等物春融前往秋末始回其大路有二一自滇境西北出翁書閣至巴裡塘等一自滇境正西由鶴慶之維西奔子攔阿墩子渡金沙瀾滄二江以至西藏其僻路尚有五六處皆以鶴慶府之中甸為咽喉

麗江府之維西鶴慶府之中甸皆有喇嘛赴藏學經而達賴喇嘛亦時遣其徒回滇進香

巴塘之大材藏屬之扎達皆有鹽井與滇中瀾滄江夷寨相接彼地夷民赴井市鹽朝出暮歸絡繹如織沿江設潘索數十以渡

韃部艱於粒食以茶為命晨起男女環坐熬茶颺其葉飲腐水色紅然後以次飲飲畢以炒麵及鹽和餘瀝食之食少而頻廣畜牛羊生啖之然不多食僅取乳灌為酪和茶以飲又觀牛羊肥者刺其脇取膜間油脂為食明歲復如是塞外犯寒皮膚僵裂者即取雲敷其上挫之數十俟其中氣旺漸暖然後養以溫水若遽熨以熱湯或就火爐耳鼻手指應時而墮

胡賈貨鉅萬善識珍寶所携貨如紬緞布皆以卡吉名卡吉者其地也花紋精麗視中土所產更勝藏中人以大寶

待之所居室器物精良衣地以攪瑜娶妻女生子絕踈秀
逾十歲即長髭鬚漸長日愈深鼻愈凹而昂其種然類也
馬氏通考載康居人皆深目高鼻多鬚髯善于商賈殆即
是歟

哈達以綾絹為之長者丈餘短盈尺來自成都之市夷人
相見之東也遇貴者跪而遮平者互遮下者掛其頸文書
往來必摺哈達於內所拜神必掛哈達故神像皆垂哈達
滿體

通考載天竺國以金鏤織成罽白疊氍毹丈夫致敬極者
舐足摩踵而致其詞家有竒樂倡伎其王與大臣多服錦
罽丈夫剪髮穿耳垂璫俗皆徒跣衣重白色婦人項飾金
銀珠纓絡死者燔骨取灰建窆堵或委野中及河餌鳥獸
魚鼈無喪紀謀反者幽殺之小罪贖錢不孝者斷手足剝
耳徙邊有文字善步歷學其風土與藏相似故宗佛國教
也

草地無薪行人取布帛捨條浸以油為炊具度日之遠近
備捨之多寡將炊燃捨于鍋底捨盡飯熟雖狐白之裘不
如一布袍為貴取其可裁捨也

右風俗

以木為盃貴賤皆懸於身盛以袋貴者用錦綉遇食飲即
自取盃擇木之最堅寔而香者磋之或用葡萄根上則那
叭叱更上則拉姑兒木最貴則為襍不牙木花紋精細盛
以熱湯沸如珠遇毒則溢一盃之值白金數十兩皆產于
藏西之喇里

自藏以東不產稻谷諸穀曰菽曰裸皆麥類性寒菽色備
五行謂莖黃葉青花紅膜黑心白也裸氣備四時謂冬種
春生夏長秋收也詩云視爾如菽蓋言其花之艷麗裸則
未見于五經菽有甘苦兩種六十日而成地煖則夏冬兩
收寒則秋一收裸壳青麩黃炒熟磨粉以酥酪和茶調食
之名曰糶把

麥于三月種九月獲避冬雪也然烟霧重故性粘滯
鐵斧皆以生鐵鑄惟察木多有熟鐵者

冬虫夏草出于裡塘諸山而撥浪工山尤佳秋冬雪盛其
根肥碩形似蠶蠕蠕欲動土人于四月雪銷時取之性温
補過此則精液上而成草

延壽菓產于草地如芋而小味甘而香和粥食之益人故
美其名曰延壽

圓根如內地蘿蔔而甚短形若象棋味甘而不爽夷人輒
以充食或空中灌油燃灯曰圓根燈

藏外所產之羊盾柔而毛純白織為罽以帚刷之令其毛
蓬然起柔滑細緻呼曰魯魯

藏香以出自後藏班禪寺中者為上襟諸香物及紅花為
麩大者如手指細者如髮分紅黃二色香氣馥郁而酸滋歲
貢進為異香云今諸蠻亦有贗者然聞後藏之香有一異
樹之皮故其香烟直上尺許而後散亦易辨也

唵以香取松脂煎之成黑色香微烈不如檀速之清越也
其經喇嘛手念經呪者夷人群寶之而出于達賴者即如
空青結碌

藏枣產于阿里噶爾妥地大于諸枣初入口如砂糖嚼之
即無餘味比于荔枝楊梅不逮遠甚然人爭視為奇物每
一枚價銀數分按唐書波斯大食諸國進貢皆有千年枣
西域之枣別有種矣

藏杏亦產于阿里味與諸杏同稍大者番人去其核套十餘顆為一名曰套杏

藏核桃似桃仁而大味同木屑產于說板多價最貴

葡萄酒出于巴塘最廣土人俟熟時蒸之為酒

藏內長明灯範鉄為樹燃灯於枝葉間
西寧口外牛馬豕皮內膜外生有扎卡石大如鷄卵夷人識者生取之貯于水盆方數丈皆得水過鍋背旱海者視為至寶馬產尤良

元狐避雪夷人每裁片許綴于帽簷豹皮避蟲每以綠袖熊在深山結隊而行遇人即避若撲之則抓攫抵拒至冬月伏于窟飢則舐其掌至驚蟄聞雷而出

黃連產于深山密菁性秉純陰採者裹糧而往慎識其路否則迷不得出山深處即有鬼魅若與人前後同行先大聲呼乃不為邪祟所害其產內土者以榮經縣紫烟溝為最然搜求將盡榮人移根于園灌溉之使其易長而失其本姓名。家園連其產西域者以工布江達為最雖品質遜于紫烟而不由人力名曰山連其形如龍頭鳳尾為上今榮人取家連以細竹鑲之形似而性殊

紅花產于回回國其地最熟花以國王城中為上夷民取花和葉煮之或以他物相襍真贗易淆然真者置于水盆即有紅縷一絲直上其水色淡黃利于女科血症
捨狝獠狐狸沙狐艾葉金錢諸豹及虎羊皮皆黑帳房獵

以取者歲以市

獅生于哈烈國之阿木河蘆林中初生日閉七日始開土人于日閉時取之調習其性稍長則不可馴矣其旁國亦有生者明時進貢日供生羊二醋酥蜜酥各二瓶

捨狸獾生及西三歲毛深厚色青如艾為上太少則毛嫩色白太老則毛稀色黃產于通巴者最佳

青晶石產于洛隆宗南浪蕩山中以質堅色純者為上浮鬆而襍砂者為下

熊胆產于桑阿却宗性最寒醫痔

綠松石產于昌都以西色如月白而無黑線紋者為上大者如錢小者如豆然最矜貴不易得其舊者油氣深沁而

色變蓋彼中婦女爭取為首飾也

交易以銀為錢大如五銖寔其中不可以貫上刊花紋每

圓重一錢五分物價通少則剖其半曰半個曰又曰鬚曰

撒猶分釐之數蓋愚番不識戔星故也鑄自白布白布西

域之鄰國回民也流傳數千里至於雅郡然始則藏外皆

範紋銀今雅郡奸民仿式製造襍以鉛銅非老賈未能辨

真贗而銀錢之價遂減紋銀三之一其花紋以象牙八卦

稱者更為惡劣按明史載西域哈烈國交易用銀錢大小

三等不禁私鑄惟輸稅于酋長所謂哈烈國當即白布蓋

彼中男女皆以白布蒙其首也通考亦載安西諸國俱以

銀為錢

鸚鵡巢于松石之間食松子結群疾飛不可網羅夷人於
初秋生育時取雛飼之漸成羽毛乃去其舌尖五更教以
人言巧者聞聲即會味生而紅漸黑逾年復紅羽生而翠
不襍他色喜潔染油輒自拔其毛盡而止塞外廣生不獨
隴山也

塞外有鴉毛羽黑如漆而味與紅如硃

蠻魚皮厚而堅以江水衝決也

紅栽絨產於工布織羊為之似羊皮

細貼產于藏西之沙鹿海牙國如粵中噀噉

阿魏產于藏西之沙鹿海牙國其地有大沙洲二百里無
水間有之鹹不可飲牛馬悞飲之輒死地生臭草高尺餘

葉如蓋煮其液成膏即阿魏也治癰疾載明史

沙鹿海牙地又有小草高一二尺叢生秋深露凝食之如

蜜煮為糖名曰達郎古賓載明史

藏西諸國植桑育蚕織文綺甚多馬氏通考載于闐初無
桑蚕丐鄰國不肯出其王即求婚許之將迎乃密告女曰
國無帛可持蚕自為衣女聞置蚕帽絮中閑守不敢驗自
是始有蚕女刻石約無殺蚕娥飛盡得治繭則知蚕桑于
外域更重貴也

大秦國出赤白黑黃青綠縹紺紅紫十種琉璃此蓋自然
之物采澤光潤異于衆玉其色不恒今俗所謂皆銷治石
汁加以衆藥灌而為之尤虛脆寔非真物語出師古

大食國產珊瑚有珊瑚溪土人先下鐵網而後種樹一年
生枝布于網色白次年微紅三年紅潤過時不采即漸銷矣
宋太宗問大食國使犀象以何法可取對云象用象媒誘
致漸以大繩羈縻之犀則使人升大樹操刀矢向其至射
而殺之其小者不用弓矢可以捕獲

史載波斯國有珠真頗黎珊瑚琉璃瑪瑙水精瑟瑟金銀
鍮石金剛火齊銅錫鑛鐵硃砂水銀錦疊細布氍毹氍毹
護那越諾布金縷織成赤麋皮薰陸鬱金蘓合木等香胡
椒華撥石蜜千年寒香附子訶黎勒無食子藍綠雌黃今
胡賈貿易亦是此等貨物曰氍毹即今之藏毯氍毹等細
罽也曰氍毹即今之波裏凹等粗罽也曰金縷織成即今之

卡契緞也

拉撒物產于穀也青稞麥胡豆莞豆于蔬也元根葱蒜筵
水于畜也馬牛驢騾豕羊鷄魚于禽獸也天鵝黃鴨白鵬
大雁黃鶯雉兔狐狸于草木也山芍藥牡丹西天花碎剪
絨蜀葵金盞鴛粟虞美人紫金蓮金針馬蘭菊松柏楊柳
胡桃林檎桃于服物也氍毹毳子毛毡細貼裁毛絨于漢
土所携之種也白菜萵苣菠菜莧菜蘿蔔四季豆于他處
之貨也白米菜豆黃豆冰豆黑糖葡萄杏杏

右物產

工布江達在藏東七百四十里人勇健多貿易少賊盜男女衣著物產同于藏女未嫁披其髮嫁則交叉其髮于頂束以紅帛額頂以珊瑚作圓花不墜白螺壳于眉間人死碎其尸飼鷹染疫死者刀碎其尸棄諸水石之間百日內親屬不梳擲產紅栽絨驟大頭犬土宜裸麥豆菜先是準首踞藏工布人堅守不下 大兵進取酋長率領部屬迎師就撫事定頒爵賞地歸藏轄設磔巴二負其民名曰工
回

喇里在工布江達東四百五十里地瘠不產五穀人事畜牧準首之變有黑喇嘛者助逆官兵至境擒獲伏誅仍歸其地于藏委大喇嘛者等寺院並管磔巴事

碩般多在喇里東七百三十里有黑帳房部落產青晶石
有金廠土宜豆麥青稞馬畜葡萄核桃其桑阿却宗地產
稻米黃連麝香熊胆西藏委喇嘛一磔巴一共主事

洛隆宗在碩船多東一百六十里風俗與碩般多同產犛
牛山羊藏委磔巴主之

百巴者自拉撒南至春結也亦有世居黑帳房者名洛巴
風土同于藏

衛巴者自拉撒西至干巴白爾極也風土同于藏

藏巴者自羊卓白地至扎什隆布三桑也女既嫁交其髮
為細繩貫以珠石盤于頂項掛素珠人死飼鷹或沉于水
居喪百日不梳櫛土宜于藏同

昂獨者向里噶爾妥諸處也阿里風土與藏同惟見尊長
不去帽以右手指已額念唵嘛吽者三土產稻穀粟米藏
東藏杏木盃曰拉姑兒木曰襟不呀木

楊八景一帶有霍耳部落世居黑帳房不產五穀事畜牧
有狐狸捨猓文豹虎獐鹿野牛野馬雉兔黑鵝黃鴛當歸
乾胆香草

桑駝駱海多溫泉地產白鹽藏民資之以食
哈拉烏蘇至達木地寒不產五穀蒙古與霍耳參居霍耳
之俗人死棄其尸于野徙他處男女衣著悉如蒙古婦冠
羊狐皮髮細辮以磔磔壳並銅環頂于髮垂至後踵行則
鏘鏘有聲飲食以潼酪配以茶

石屬番

藏外隣國甚多其與藏通往來者曰白布國在怒江西南
鑄銀錢流行西域唐公主下嫁吐蕃蘇隆策于市于市別
娶閼氏與公主左右居即白布之女也曰貉猯國亦曰花
嘴國在工布南傍怒江以居係野人名老卡止刺其唇為
紋塗以五色穴居不知耕織嗜鹽獵鳥獸飲食衣皮俯地
拾虫蟻食如菓產茜草紫草茸黃蓮以茶往易者至其境
不通語言相示以意交易而退入境內即相逐立與語即
笑言避之即拔刀追殺藏中有罪者流至彼渡江即為老
卡止所食須臾而盡曰納達曰谷古結色俱在後藏扎什
隆布北千里乃阿里地方交界谷古結色與前郡王頗羅
奈長子為婚故長子即駐防阿里三部通好曰布魯克巴

交帕里界地甚大有衆四萬城壁五千其主曰諾彥林親封汗與掌教喇嘛同居蚌湯德慶城曰者木雄宗里交塞爾界兩國皆在藏西南曰已爾布封有三汗額布汗居木作城葉楞汗居蟒哈吧哈城庫庫木汗居吉拉蘇魚卡城同轄番民五萬餘人

瓦述草賚霍耳皆黑帳房部落名目霍耳有在明正司西北境者受封號為土司築碉以居有在藏東北哈喇烏蘇至達木一帶者與蒙古相參以居係黑帳房

小西天在後藏之西程一月大西天又在小西天之西程兩月名毘羅國濱南海航海至粵風利期半年否則一年地萬里周行匝五月國王世傳地土平衍務耕種饒布帛

屋舍樓觀鐘鼓音樂同于內地地氣候暖敬佛重僧名僧曰羅漢彼地民有到爐中貿易者以珊瑚珠璣稱歪鬍子又稱扎卡拉余親問其風土云然蓋即天竺國也史載五天竺東南際海與扶南林邑隣北距雪山山西距罽賓波斯地方萬餘里為佛國云

大宛國即今喀撒在準噶爾之外張騫足跡所至蓋遠于今之前後藏焉紀中丞語

西天諸國有城池宮室範土為磚瓦種棉織布水陸通流百賈交會風雨調和非他夷蠻可比特徭役繁重故民樂出外以避征

火州在土魯番廣二百餘里氣酷熱夏月鳥雀不飛蟲蟻

出穴行即焦斃日出後男女皆裸浴于水所居宮墻甃石厚至五尺更覆土石兩重人居最下猶不能衣寸縷時取涼水以沃其頂否則氣不能伸所浣衣出水即燥行人必以夜王游戎言之甚詳按宋王延德使高昌回云其地極熱每盛暑居人皆穿地為穴以處飛鳥群萃河濱或起飛即為日氣所燂墜而傷翼與此略同明史載火州即漢車師前王地隋時為高昌國唐太宗滅高昌以其地為西州宋時回鶻居之常入貢元名火州置達魯花赤監治明時亦入貢後為土魯番所併云土魯番去哈密千餘里唐滅高昌置西州及交河縣其城即交河縣安城也

錫背即戈壁

番民無水草處曰錫背自哈密至準夷界錫背有十餘處最近者一百二三十里遠者數百里人猶可裹糝以行而馬不能兼顧故夏秋無戍兵惟冬春積雪夷人藉以畜牧添兵防守按錫背即唐書所謂磧也

吐多錫背番部在一海子中歲以麻布納準夷大兵招之即投順其人靡然而大然愚蠢飲食男女之外一無知焉巴里坤在哈密外數百里中界雪山登山而望山以北皆青山以南皆白蓋冬夏積雪也酷寒居氊帳中手稍出袖取飲食即僵腫必撻炭可避寒氣炭臭惡中毒者輒嘔黑沫行路數武鬚眉成冰當時以牛馬畜牧地利寬衍故大兵駐焉

玉門關在哈密之外千里界于準夷

哈密東去嘉峪關一千六百里漢伊吾廬地明帝置宜禾都尉領屯田唐為伊州宋入於回紇元末以威武王納忽里鎮之卒弟安克帖木兒嗣明祖時遣官招諭之許其以馬市易即遣使朝貢馬封忠順王賜金印正統十年為北部瓦剌所侵附瓦剌後復見侮于西部土魯番三立三絕嘉靖時以兵部胡世寧言廢置其地不復問而哈密遂服屬土魯番我

朝特置協留兵守以備準酋

高昌王于坐室畫魯哀公問政于孔子之像

卡契在扎什隆布西南乃纏頭回民所居纏頭者以白布

蒙其首不拜神佛別立教主不食酒與犬豕即唐回紇也部落甚多亦有投于準首者廣蚕桑織錦緞紬布五色燦爛往來西藏為賈胡按明史所載哈烈天方坤城諸國其風俗與卡契相似呼曰卡契殆哈烈轉音之誤猶捐毒謂天竺也

元太祖蕩平西域盡以諸王駙馬為之君長易前代龜

茲焉者諸國名更以蒙古古語其小國則設官置戍同于內地元亡各自割據不相統屬明時順義王俺荅以元裔雄視北部羨青海富饒遣其子丙兔率部落據之迄今西寧以南西藏以北皆有番韃二種番者土著韃者蒙古部落也居黑帳房

元亡後西域各自為長明太祖成祖時先後遣使李達陳誠等遍歷西域招諭諸國其君長來朝貢者數十餘部曰撒馬兒罕曰沙鹿海牙曰達失干曰賽蓋曰養夷曰渴石曰迭里迷曰卜花兒曰別失八里曰哈烈曰俺都淮曰八答黑商曰于闐曰失刺思曰俺的干曰哈寔哈兒曰亦思弗罕曰火刺扎曰乞力麻兒曰白松虎兒曰答兒密曰納失者罕曰敏真曰日落曰米昔兒曰黑婁曰討來思曰阿速曰沙哈嚕曰天方曰默德那曰坤城皆有事蹟可采其但奉貢通名于朝者曰哈三曰哈烈兒曰沙的蠻曰哈的蘭曰乜克力曰把力黑曰俺力麻曰掃蘭曰脫忽麻曰察力失曰幹失曰卜哈刺曰你沙兀兒曰克失迷兒曰帖必力思曰火壇曰火占曰苦先曰牙昔曰牙兒甘曰戎白白曰兀倫曰阿端曰邪思誠曰捨黑曰擺音曰克乜計二十九部以疆域褊小止稱地面與哈烈等國由哈密入嘉峪關通貢其不由哈密者有十一地面曰乞兒曰麻米兒曰哈蘭曰可脫乜曰蠟燭曰也的于刺曰竹亦不刺曰因格失迷乞兒曰吉思曰羽奴曰思哈辛亦常通貢然始則遣官招撫繼則報貢頻仍中外驛騷官私交困我國家聲靈赫濯無思不服特設官兵駐劄烏斯達賴而下俯首効順其餘諸國來則撫之去則聽之無經費之繁有君馭之法軼漢唐元明而上矣

撒馬兒罕國即漢屬賓地隋曰漕國唐復曰屬賓皆通中

國元太祖易國名以蒙古語始有撒馬兒罕之名去嘉峪
關九千六百里元末為之王者駙馬帖木兒也明洪武中
太祖欲通西域屢遣使招諭而遐方君長未有至者二十
年帖木兒首遣使朝貢其國有照世杯光明洞徹照之可
知世事帖木兒貢馬上表有曰欽仰聖心如照世之杯帝
得表嘉其有文遣使報之時貢名馬及獅子東西三千餘
里地寬平土壤膏腴稱其王曰鎖魯檀民居稠密富饒西
南諸蕃之貨皆聚于此玉城東北有土屋為拜天之所規
制精巧俗禁酒人物秀巧過于哈烈而風俗土產多與之
同元時回回徧天下及明興居甘肅者甚多詔守臣悉遣
之于是歸撒馬兒罕者千二百餘人

沙鹿海牙西去撒馬兒罕五百餘里城西北臨河河名火
站水衝急架浮梁以渡南近山人多依崖谷而居園林廣
茂西有大沙洲可二百里無水間有之鹹不可飲牛馬飲
之輒死地生阿魏及煮草為糖明永樂間遣使至其地其
酋遣使入貢

達失干西去撒馬兒罕七百餘里城居平原外多園林饒
果水土宜五穀民居稠密

賽藍在失干之東西去撒馬兒罕千餘里有城郭地平曠
居人蕃庶五穀茂植亦饒果木夏秋間草中黑生小蜘蛛
人被螫遍痛不可忍必薄荷枝掃痛處又用羊肝擦必擇
近水地避之元太祖時都元帥薛瑄海刺從征賽藍諸國

以礮立功即此地也

養夷在賽藍東三百六十里城居亂山其地介別失八里蒙古部落之間數被侵擾以故人民散亡止戍卒數百人居孤城破廬頽垣蕭然榛莽

渴石在撒馬兒罕西南三百六十里城周十餘里宮室壯麗堂以玉石為柱牆壁牕牖盡飾金碧綴琉璃元時撒馬兒罕駙馬帖木兒居之城外皆水田東南近山多園林西行十餘里饒奇木又西三百里大山屹立中有石峽兩崖如斧劈行二三里出峽口有石門色如鐵路通東西番人號為鉄門關設兵守之或言元太祖至東印度鐵門關遇一角獸能人言即此地也

迭里迷在撒馬兒罕西南去哈烈二千餘里城在阿朮河東多魚河東地隸撒馬兒罕多蘆林產獅子

卜花兒在撒馬兒罕西北七百餘里城居平川戶萬計市里繁華號為富庶地卑下節序常溫宜五穀桑麻多絲綿布帛六畜亦饒明永樂十三年陳誠使自西域還悉詳其山川人物風俗為使西域以獻以故中國得考焉

別失八里西域大國也南接于闐北連瓦剌西抵撒馬兒罕東抵火州東南距嘉峪關三千七百里或曰焉耆或曰龜茲元世祖時設宣慰司尋改為元帥府後以諸王鎮之明武洪中藍玉征沙漠至捕魚兒海獲撒馬兒罕商人數百太祖遣官送之還道經別失八里其王黑的兒火者即

遣千戶哈馬力丁等來朝貢馬及海青帝喜賜王綵幣嗣
遣寬徹韓敬唐鉦使彼慰諭等至王以其無厚賜拘留之
敬鉦二人得還三十年復遣官諭之乃還徹成祖即位貢
報頻仍十六年貢使速哥言其王為從弟歪思所弑而自
立從其部落西去更國號曰亦力把里帝以番俗不足治
授速哥官都督僉事而遣使賜歪思自事奉貢不絕其國
無城郭宮室隨水草畜牧人性獷悍君臣上下無休統飲
食衣服都與瓦剌同地極寒深山窮谷六月飛雪

哈烈國一名黑魯去嘉峪關萬二千餘里西域大國也元
時為駙馬帖木兒所據明太祖遣使諭入貢序于西域諸
國之首嘉靖後朝貢遂絕王所居城方十餘里壘石為屋

平方若高臺不用梁柱瓦甍中殿虛空數十間窗牖門扉
悉雕刻花紋繪以金碧地鋪粘罽無君臣上下男女相聚
皆席地敷坐國人稱其王曰鎖魯檀猶言右長也男髡首
纏以白布婦女亦白布蒙首僅露雙目上下相呼皆以名
相見止稍屈身初見則屈一足三跪男女皆然食無匕箸
有磁器以葡萄酒交易用銀錢大小三等不禁私鑄惟
輸稅于酋長用印記無印者禁不用市場皆征税十二不
知斗斛止設權衡無官府但有管事者名曰刀完亦無刑
法即殺人亦止罰錢以姊妹為妻妾居喪止百日不用棺
以布裹尸而墓常于墓間設祭不祭祖宗亦不祭鬼神惟
重拜天之禮無干支朔望每七日為一轉周而復始歲以

二月十月為把齋月晝不飲食至夜乃食周月始茹葷城中築土大室中置一銅器周圍數丈上刻文字如古鼎狀遊學者皆聚此若中國太學然有善走者日可三百里有急使傳箭走報俗尚侈靡用度無節土沃饒節候多暖少雨土產白鹽銅鉄金銀琉璃珊瑚琥珀珠翠之屬多育蚕善為紬綺木有桑榆柳槐松檜果有棗杏李梨葡萄石榴穀有粟麥麻菽獸有獅豹馬駝牛羊雞犬獅生于蘆林中其旁近俺都淮八峇黑商並隸其國

天方古筠冲地一名天堂又曰默伽水道自忽魯漠斯四十日始至自古里西南行三月始至前代貢使多從陸道入嘉峪關明宣德五年鄭和使西洋分遣其儕詣百里因使人附古里舟齎貨物偕行其國王遂遣陪臣入朝通貢天方于西域為大國四時常如夏無雨電霜雪惟露最濃草木皆資之長養土沃饒粟麥黑黍人皆頎頎男子削髮以布纏之婦女則編髮蓋頭不露其面相傳回回設教之祖曰馬哈麻者首于此地行教死即塋焉墓頂常有光日夜不熄後人遵其教久而不衰故人皆向善國無苛擾亦無刑罰上下安和寇賊不作西土稱為樂國俗禁酒有禮拜寺月初生其王及臣民咸拜天號呼稱揚以為禮寺分四方九十間共三百六十間皆白玉為柱黃玉為地其堂以五色石砌成四方平頂內用沉香大木為梁凡五又以黃金為閣堂中垣墉悉以薔薇露龍涎香和土為之守門

以二黑獅堂左有司馬儀墓其國稱為聖人塚土悉寶石
圍墻則黃白玉兩有諸祖師傳法之堂亦以石築成極壯
麗瓜果諸畜咸如中國西瓜甘瓜有人一不能舉者苑有
重四五觔者雞鴨有十言餘觔者皆諸番所為也馬哈麻
墓後有一井水清而甘泛海者汲必以行遇颶風取水洒
之即息當鄭和使西洋時傳其風物如此

默德那回回祖國也近天方明宣德時其酋長遣使偕天
方使臣來貢後不復至相傳其初國王謨罕慕德生而神
靈盡臣服西域諸國諸國尊為別語扶爾猶言天使也國
中有經三十本凡三千六百餘段其書旁行兼篆州楷三
體西洋諸國皆用之其教以事天為主而無像設每日西

向度拜每歲齋戒一月沐浴更衣必異常處隋開皇中其國
撒哈八撒阿的幹葛思始傳其教入中國迄元世其人遍
于四方皆守教不替國中城池宮室市肆田園大類中土
有陰陽星歷醫藥音樂諸技其織文製尤巧寒暑應候民
殷物繁五穀六畜咸備俗重殺食豕常以白布蒙頭雖遠
他邦不易其俗

坤城西域回回種明宣德五年其使臣者馬力丁等來朝貢
駝馬時有開中之令使者即輸米一萬六千七百石于京
倉中益及辭還願以所納米獻官帝曰回人善營利雖名
朝貢寔圖貿易可酬以直于是予以布帛
俺都淮在哈烈西北千三百里東南去撒馬兒罕亦如之

城周十餘里地平衍田土膏腴民物蕃庶稱樂土明永樂時通貢

八答黑商在俺都淮東北地周十餘里地廣無險阻山川明秀人物樸茂浮屠教區壯麗似王居西洋西域諸賈多販其地故民俗富饒明永樂時通貢

于闐古國名自漢迄宋皆通中國明永樂中通貢使先是成祖欲遠方萬國無不臣服故西域城之使年年不絕諸番貪中國財帛且利市場絡繹道途商人率偽稱貢使携馬駝玉石聲言進獻既入闕則一切舟車水陸晨昏飲饌之費悉取之有司郵傳困供億軍民疲輸轉比西歸輒緣道遲留多市貨物東西數千里間騷然繁費廷臣莫為言天子

亦莫之恤也仁宗朝給事中黃驥極陳其害仁宗感其言自是不復使西域貢使亦漸稀于闐自古為大國隋唐間侵并戎盧扞彌渠勒皮山諸國其地益大南距葱嶺二百餘里東北去嘉峪關六千三百里大略葱嶺以南撒馬兒罕最大以北于闐最大元末時其主暗弱鄰國交侵人民僅萬計悉避居山谷生理蕭條明初西域受約束不敢相攻殺于闐始獲休息漸行賈諸番復致富庶桑麻禾黍宛然中土其國有玉河鄰國亦多竊取來獻失刺思近撒馬兒罕明永後樂時貢獅子文豹名馬弘治五年哈密王陝巴襲封歸國與隣境野也克力首結婚失刺思首念其貧與其隣部遣人請領賜財物助之成婚朝

議義之厚賜陝巴並賜二國

俺的干西域小部落明永樂時附哈烈通貢以地小後竟不至

哈實哈兒亦小部落貢使不能常至

亦弗思罕地近俺的干明永樂時偕鄰國失刺思共貢獅豹西馬賚白金鈔幣

火刺扎國微弱四圍皆山鮮草木水流曲折亦無魚蝦城僅里許悉土屋酋所居亦卑陋俗敬僧明永樂時通貢弘治五年其地回回怕魯灣等由海道貢玻璃瑪瑙諸物孝宗不納賜道里費遣還乞力麻兒明永樂中遣使來貢惟獸皮鳥羽罽褐俗喜射

獵不事耕農西南傍海東北林莽深密多猛獸毒虫有達巷無市肆交易用鐵錢

白松虎兒舊名速麻里兒常有白虎出松林中不傷人亦不他食獸旬日後不復見國人異之稱為神虎曰此西方白虎所降精也因改國名其地無大山亦不生樹木無毒蟲猛獸之害然物產甚薄

答兒蜜服屬撒馬兒罕居海中地不百里人不滿千家無城郭上下皆居板屋知耕植有毛褐布縷馬駝牛羊刑止箠朴交易用銀錢

納失者罕東去失刺思數日程皆舟行城東平原饒水草宜畜牧馬有數種最小者高不過三尺俗重僧所至必供

飲食然好氣健鬪不勝者衆啗之

敏真城地廣多高山日中為市諸貨駢集貴中國磁漆器
產異香駝馬

日落國明永樂中兩貢奏求紵絲夏布磁器詔皆予之

米昔兒一名密思兒明永樂正統時兩遣入貢禮官言其

地極遠未有賜例酌賜綵幣白布後不復至

黑婁近撒馬兒罕世為婚姻其地山川草木禽獸皆黑男

女亦然明時屢貢馬駝獅子及玉石礪砂鑛鐵刀諸物

討來思地小周徑不百里城近山山下有水赤色望之如

火俗倭佛婦人主家柄產牛羊馬駝有布縷毛褐土宜糝

麥無稻交易用錢

阿速近天方撒馬兒罕幅員甚廣倚山面川川南流入海

有魚鹽之利土宜耕牧敬佛畏神好施惡鬪物產富寒暄

遣節人無飢寒夜鮮寇盜雅稱樂土

沙哈魯在阿速西海島中山川環抱饒富產人性樸直恥

鬪好佛海產奇物西域賈人以輕直市之其國人不能識

魯迷去中國絕遠明嘉靖三年遣使貢獅子西牛五年冬

復以二物來貢既領賜其使臣言長途跋涉費至二萬二

千餘金請加賜乃如洪武撒馬兒罕例益之其貢物有珊

瑚琥珀金剛鑽花瓷器鎖服撒刺帳羚羊角西狗皮狨狽

獼皮鐵角皮之屬

右與國

察木多在洛隆宗東五百九十里為川滇進藏通衢有二
城一昔時滇兵行營一川兵行營叭喇嘛所轄之地也
較藏稍寒有僧四千五百餘民七千六百餘風俗彷彿藏
地女未嫁披其髮既嫁以珊瑚作兩花懸於額之左右不
歸寧設以事過母門止之門外飲以茶酒母至女家亦如
之忌婦女入人家舍謂不祥僧廟內尤不許入與僧私即
剃男女皮寔以革懸之廟門織罽曰波裏曰牛絨產綠
松石土宜裸麥圓根豌豆梨杏核桃南與滇民通貿易故
有稻米自喇哩至此其民皆名康巴

乍了在察木多東五百三十里俗樂竊好鬪男女結婚俱
于轉閣前五歌相悅則以糴把結女髮間為約產松蓋石

丁應作丁

乍了呼圖克主之

右隣番

丁應作丁

威信公岳印岳
鍾琪

巴塘在乍了東五百五十里其地邦木汎與西藏定界處也向與裡塘俱隸雲南之土司吳逆叛滇欲勾結達賴喇嘛以控制全蜀因遣人以裡巴之地畀達賴受之置官司以大喇嘛及磔巴主之後準首踞藏盡得其地康熙五十八年威信公岳以永寧協領兵進剿賊帥黑喇嘛遠遁後請制軍以裡巴塘為進藏要道歸于川省雍正四年間改設流官土司遇缺出令番衆公舉熱傲轉請于朝熱傲者裡巴土目稱也先是大兵至巴有堪布曰包喇嘛者率其頭人羅祝以目衆受撫事平威信重包喇嘛恭順也召赴省城同羅祝養膳之已而喇嘛乞回乃請以羅祝為彼地土司雍正七年間奔子攔地方議設土司乃以藏目扎什

點應作點

彭楚克巴塘宣撫正司阿旺林青克副司別調羅祝為奔子攔守備已議分川滇界歸奔子攔于滇羅祝貪民爭控逐之仍歸于巴間住扎什彭楚桀黠多智以功授職柔昂邦之地有八結喇嘛者多妖術縱其民為盜行旅苦之已遣叅將胡兆基督部進剿不能克詭言就撫既被議委雅州守張植往訊扎什彭楚乃請自平之至則以重幣見八結與盟誓約為兄弟曉以恩威八結自是斂戢有賊竊其馬並挾一婢行彭楚遣人獲于隘乃請于官以夷法治懸賊于竿首百人自下叢射斃之其為從者別其目夷民終彭楚効奔走力後以己病請委其子協辦夷務制府允之乾隆十六年副土司林青歿公舉其子班鳩受職十七

帶應作帶
終下應有脫去字

裸應作裸
聲應作聲
案應作案

年正土司彭楚歿亦公舉其子汪結受職巴塘地平行水甘多良田產裸麥葡萄石榴水銀犂牛蜜臘土司居城內編籬為園植牡丹芍藥桃李花開爛熳彷彿內土南鄰滇有稻米旱米旱米者植稻于山同于麥豆性堅味甘民富饒勤稼穡諸城堡有公所五日雌煞龍曰空打弓曰白馬弓曰策芝龍曰營官院歲收穫男女群聚公所為農粧戲三日事畢即力作為來歲計婚姻憑媒妁論根基以牛馬為聘擇婚期不令女知親朋羣往出不意挾女上馬以歸畢賀夫婦不同寢旬日即歸母家閱一歲再迎然後成夫婦擇婚最慎有兩三女共嫁一男者有兩三男共娶一女者限于氏族也遇喪男女顰面不剪髮不沐浴夫婦不同

宿鄰里不歌舞各塞落分遣熟傲轄之其土千戶則親屬也共番民八千一百五十三戶有大喇嘛寺居堪布其餘各寺喇嘛共九千四百八十餘人二郎灣北及南墩俱有漢人寺番稱幹木南規制同于內地吳逆叛滇時偽公主所建也拜禱者甚多土民歲輸青稞牛馬狐皮折征銀三千二百三十五兩四錢五分由爐同知撥克永寧協兵餉其附近臨卡石五小部亦附巴塘管束

裡塘在巴塘東五百二十里向與巴塘俱隸西藏設僧俗營官各一車零數多布之變遣人佔踞康熙五十七年大兵進裡擒達娃郎章巴及僧俗營官正法令頭人夷衆公舉悅服之人為正副營官雍正七年給印授營官安本為

宣撫正司康卻江錯為副司照流官例更替立堪布一名專理黃教喇嘛三千八百四十九人番民六千五百二十九戶裡塘地寒六月晴明時亦飛雪數點山甚大而迤邐平行由明正司渡雅龍江山勢頓跌宕起伏數百里至裡開平洋方百餘里背為水星面拱廉貞峰狀如毘盧帽中遠諸水左右羣壘環護山坡大喇嘛寺第三輩達賴成道處也坡前里許六輩達賴降生處蓋山川扶輿之氣出仙佛焉寺昔在山上僧僅數十人後移于山坡多至二千餘人樓殿層聳金碧輝煌掩映售各部佛經其板則藏于雲南之士司土產貝母冬虫夏草黑狼托牛山羊裸麥菩提珠菩提珠者先有老僧手種菩提樹三株開白花結子如芡

實有紋如眼一眼者為鳳三眼者為龍風俗同于巴塘男女衣著均同西藏女以銀錢懸于鬢左大右小亦綴于髮辦之末土司安本之母與達賴之母為女兄弟乾隆十五年官兵既平大金川其土首色勒奔細之侄白汪結先以革什咱土司之甥自投順既不歸敢乃請于

朝亦克副土司同前兩土司共撫夷衆歲納責糶折徵銀四百五十兩于爐同知撥充兵餉後以土司無養贍議分給銀四百四十八兩五錢給喇嘛衣單銀六百兩襍糧一千七百五十四石牛隻酥油麥以次而減由土司徵收轉撥所轄附近小部有五瓦述嗣因長坦土官督兵遲悞寘之法裁其部歸于德格今存瓦述之部四曰崇喜曰毛了曰曲

登曰毛茂了皆居黑帳房事畜牧

右裡巴二塘

毛茂了一作毛茂雅猶作雅一作乍了也

建昌鎮統轄

寧遠府及鎮標中營屬

建昌河東長官司安鳳英

長村土百戶別助

大石頭土百戶沈渣

經事田土百戶三春

沙馬宣撫司安尚哥

阿都正長官司綠氏

阿都副長官司賒別

德昌所屬
鎮標左營

建昌堪普濟州長官司吉興爵

昌州長官司盧定昌

威龍州長官司張應詔

會理州屬
川營

黎溪舟土千戶自誠明

迷易土千戶安世祿

紅卜直土百戶刀維藩
普隆土百戶沙金龍
披沙土日者保土日祿日昇兼理

鹽源縣屬
會鹽營

馬喇長官司阿鳳騫

鹽井衛瓜別安撫司己角補

中所土千戶喇用中

左所土千戶喇南仲

右所土千戶喇氏

右栢樹土千戶郎三保

前所土百戶阿成福

後所土百戶白耳居

木裡安撫司六藏塗都

越鴛衛屬
寧越營

松林地土千戶王朱

料林坪土百戶楊家因

野猪塘土百戶長命噶

白石村土百戶周文玉

前後山土百戶羅蘓依

六翁土百戶都叭沙

老鴉漩土百戶汪定邦

煖戴土千戶嶺瑞祥

濫田堪沈渣土百戶覺魯

越鴛衛屬

印部宣撫司嶺竣德

沙卡土千戶嶺崎居

冕寧縣屬

白路土百戶阿施

靈郎土百戶魯志

酥州土千戶果啣

苗出土百戶穀扒呷

大村土百戶吽媽咱

糯白瓦土百戶喇兒

窩卜土百戶打穀喇

迤東大鹽井土百戶者布葉

熱即哇土百戶啣咱

三大枝土百戶保福寶

架州土百戶啣咱

中村土百戶喇媽保

阿得橋土百戶遮遮

河西土百戶布查

川東道統轄夔州府屬

石碛宣慰司馬孔照

永寧道統轄

叙州府屏山縣屬

泥溪長官司王世臣

平彝長官司王錫爵

蠻彝長官司文煜

沐川長官司悅忠

馬邊營屬

涼山窰黑土百戶雪烏

臘乃窰土百戶安土

涼山旁阿孤土百戶于三

涼山明州樂土百戶因甲

大羊騰嚕略土百戶双底

幹田堪土百戶六貴

麻柳堪土百戶必氏

涼山阿招土百戶曰科

油石崗土百戶落姑

雷波衛屬

土千提楊吉趣

冷紀土百戶米鉄

瀘州屬

九姓長官司任啟烈



